

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

子部
第二四二冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB56/02

四庫全書存目叢書·子部二四二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精興印務有限公司印製

787×1092 毫米 16 開本 47.75 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第二四二冊目次

子部·小說家類

世說新語補四卷

〔明〕何良俊撰 王世貞刪定
遼寧大學圖書館藏明萬曆張懋辰刻本

西臺漫紀六卷

〔明〕蔣以化撰
北京圖書館藏明萬曆刻本

見聞雜紀九卷續二卷

〔明〕李樂撰
北京大學圖書館藏明萬曆刻本

林居漫錄前集六卷別集九卷畸集五卷多集六卷

〔明〕伍袁萃撰
南京圖書館藏清鈔本

閨然堂類纂六卷

〔明〕潘士藻撰
首都圖書館藏明萬曆刻本

西山日記二卷

〔明〕丁元薦撰
北京圖書館藏清鈔本

.....一

.....六一

.....一六一

.....四二二

.....五九八

.....六七七

世說新語補四卷

〔明〕何良俊撰 王世貞刪定

遼寧大學圖書館藏明萬曆張懋辰刻本

附《四庫全書總目·世說新語

補四卷》提要

世說新語補舊序

王世貞序

余少時得世說新語善本吳中私心已好之每讀輒患其易竟又怪是書僅自後漢終於晉以爲六朝諸君子卽所持論風旨寧無一二可稱者最後得何氏語林大抵規摹世說而稍衍之至元末然其事詞錯出不雅馴要以影響而已至於世說之所長或造微於單辭或徵巧於隻行或因美以見風或因刺以通贊往往使人短詠而蹕然長思而世說新語補舊序

一

未聲何氏蓋未之知也余治燕趙郡國獄小聞無事探案中所藏則二書在焉因稍爲刪定合而見其類蓋世說之所去不過十之二而何氏之所采則不過十之三耳余居恒謂宋時經儒先生每譏隨清言致亂而不知晉宋之於江左一也驅介冑而經生之乎則母乃驅介冑而清言也其又奚擇矣嘉靖丙辰季夏琅邪王世貞誤

世說新語補跋

王世懋跋

予刻世說豫章舊所病勾棘難通者亦既有備矣
惜也子固雖對之功闕焉探字疏句往往而詭幾
於誤人標評小語亦續有得時復循覽而恨其未
敷也家兄元美嘗竝何氏語林刪其無當合為一
編久乃散落友人張仲立得而嗜之次第修註而
更為訂何氏之乖迕與益其註之未備鉛槧經年
殺青滿室會予將之閩中手以相示且請序作者
世說新語補跋

之意子豫章後重校善本不吝授之蓋臨川孝標
功緒略當元朗羽翼意亦勤矣昔猶璋判今始珪
合予所研覈不真者將無鄭玄之遇服氏哉若孝
標一註疑有羈入中間稍為指撻終未得起斯人
于九原令千載洗然也書以復仲立仍具此意相
與商求之足歲乙酉初春世懋再識

世說新語補名字異稱

孫策字伯符	亦稱討逆
晉太宰惔	亦稱武陵王
宋文帝長子邵字休遠	稱元凶
陳成	亦稱尚書
馬援字文淵	亦稱伏波
侯霸字君房	亦稱司徒
周澤字稚都	亦稱太常
楊彪字文宣	亦稱太尉
皇甫規字威明	亦稱度遼
董和字幼華	亦稱掌軍
張昭字子布	亦稱輔吳
劉寔字子真	亦稱太常
顏含字弘都	亦稱光祿
謝瞻字宣遠	亦稱阿瞻
張譏字直言	亦稱參軍
謝超宗	亦稱參軍
王儉字仲實	亦稱僕射 亦稱文憲

謝幾卿	王份字季文	王彥字景文	顧協字正禮	袁衆字景倩	張融字思光	裴昭明	劉孝綽字孝綽	劉祥字休徵	陸慧曉字叔明	顏延之字延年	丘靈鞠	魯爽小名女生	孔顗字思遠	王敬弘	王遠字景舒	謝靈運	謝鯤字叔源
亦稱長史	亦稱侍中	亦稱車騎	亦稱司徒	亦稱司徒	亦稱黃門	亦稱始安	亦稱阿士	亦稱中郎	亦稱東海	亦稱光祿	亦稱車騎	亦稱豫州	亦稱中丞	亦稱僕射	亦稱光祿	亦稱康樂	亦稱益壽
				亦稱袁尹			亦稱長史									亦稱望蔡	

寶軌字士則	歐陽詢字信本	房綰字次律	楊憑字虛受	李勉字元卿	王泰字仲通	張鏡	王思遠	陶弘景字通明	夏侯亶字世龍	蕭惠開	謝朓字義潔	褚淵字彥回	何子朗字世明	何遜字仲言	何思澄字元靜	魏收字伯起	徐陵字孝穆
亦稱益州	亦稱率更	亦稱太尉	亦稱臨賀	亦稱汧公	亦稱養	亦稱新安	亦稱阿成	亦稱隱居	亦稱豫州	亦稱南郡	亦稱侍中	亦稱司空	亦稱散騎	亦稱水部	亦稱參軍	亦稱佛助	亦稱常侍
								亦稱貞白				亦稱司徒					

張說字道濟	亦稱燕公
顏真卿字清臣	亦稱平原
杜甫字子美	亦稱少陵
李思訓	亦稱將軍
韓愈字退之	亦稱吏部
崔群字敦詩	亦稱丞相
裴度字中立	亦稱晉公
蘇源明	亦稱司業
元載	亦稱元相
世說新語補釋名	四
李德裕字文饒	亦稱贊皇
錢惟演字希聖	亦稱文僖
蘇軾字子瞻	亦稱長公
寇準字平仲	亦稱萊公
司馬光字君實	亦稱溫公
雷有終	亦稱宣徽
王安石字介甫	亦稱荆公
黃庭堅字魯直	亦稱太史
范鎮字景仁	亦稱蜀公
	亦稱山谷

唐介字子方	亦稱參政
韓琦字稚圭	亦稱魏公
范純仁字堯夫	亦稱忠宣
梅詢字昌言	亦稱侍讀
李師中字誠之	亦稱侍制
宋祁字子京	亦稱景文
陳執中字昭譽	亦稱恭公
范仲淹字希文	亦稱文正
杜衍字世昌	亦稱祁公
世說新語補釋名	五

世說新語補目錄

卷一

德行

言語

政事

文學

卷二

方正

雅量

世說新語補目錄

識鑒

賞譽

品藻

規箴

卷三

捷悟

夙惠

豪爽

容止

乙

自新

企羨

傷逝

棲逸

賢媛

術解

巧藝

寵禮

卷四

世說新語補目錄

任誕

簡傲

排調

輕詆

假譎

黜免

儉嗇

汰侈

忿狷

二

讒除

尤悔

紕漏

咸溺

仇隙

世說補目錄

三

目錄終

世說新語補卷一

何良俊撰補

王世貞刪定

張懋辰攷訂

德行

閔仲叔含菽飲水世稱節士老病家貧不能得肉日買猪肝一片屠者或不肯與安邑令聞之勅吏常給焉仲叔怪問其故歎曰閔仲叔豈以口腹累安邑耶遂去客沛

世說新語補卷一

一

謝承後漢書曰閔貢字仲叔太原人皇甫謐高士傳曰仲叔同郡周黨貢介之士見仲叔食無菜遺之坐薪仲叔曰我欲省煩耳今更作煩耶受而不食

趙孝以父田禾將軍任為郎每告歸常白衣步擔嘗從長安還欲止郵亭亭長先時聞孝當過掃灑待之孝既至不白名長不肯內因問曰田禾將軍子從長安來何時至乎孝曰尋到矣於是遂去
後漢書註曰王莽時置田禾將軍屯田北邊范曄後漢書曰趙孝字長平沛國新人州郡辟召進退必以禮顯宗聞其行詔拜諫議大夫遷衛尉

朱文季與張堪同縣張於太學中見文季甚重之

把臂語曰欲以妻子託朱生文季不敢對張公後聞其妻子貧困自往候視厚賑贍之子怪問曰大人不與堪為友何忽如此文季曰堪嘗有知己之言吾以信於心也

范曄後漢書曰朱曄字文季南陽宛人家世永冠曄早孤志氣決范曄後漢書曰張堪字君游南陽宛人志美行厲世祖召拜郎中歷漁陽太守去職之日乘折轅車布被囊而已

高文通居鄉時鄰里有爭財持兵而鬪文通往解之不已乃脫巾叩頭請曰仁義遜讓奈何棄之爭者投兵謝罪

世說新語補

二

范曄後漢書曰高鳳字文通南陽葉人少為書生家以農畝為業鳳專精訓習後遂為名儒

梁伯鸞少孤嘗獨止不與人同食比舍先炊已呼伯鸞及熱釜炊伯鸞曰童子鴻不因人熱者也滅竈更燃之

范曄後漢書曰梁鴻字伯鸞扶風平陵人受業太學家貧尚節介博覽不為章句要同縣醜女孟氏名孟光居有頃妻曰常聞夫子欲隱居避世今何為然然無乃欲低頭就之乎鴻曰諾乃入霸陵山中以耕織為業詠詩彈琴以自娛仰慕高士為四皓以來二十四人作頌因東出關過京作五噫歌有頌去適吳依阜伯通居廬下為人貧妻具食舉案齊眉伯通異之曰彼儒能使其妻敬之如此非凡人也乃舍之於家鴻落閑著書十餘篇及卒伯通為求葬地於要縣

塚倚咸曰要離烈士伯鸞高可令相近葬畢妻子歸扶風

范史雲遭黨錮推鹿車載妻子以拮拾自資兄嘗拾得五斛麥隣人尹臺遺之一斛囑兒不得通史雲後知即令併送六斛還尹言麥已雜誓不肯受

范曄後漢書曰范丹字史雲陳留外黃人從樊英馬融受經桓帝時為萊蕪長通居梁沛之間所止卑陋有時絕粒後辟太尉府以疾不行年七十四卒謚曰貞節先生

徐孺子嘗爭江夏黃公後黃公歿孺子往會葬無資以自致齋磨鏡具自隨所在取直然後得前

范曄後漢書曰黃瓊字世英江夏安陸人魏郡太守香之子也初以父任為太子舍人辭病不

世說新語補

三

就五府俱辟不應後將出李固以書逆遣之歷議郎尚書僕射延熹二年拜太尉封祁鄉侯

郭林宗每行宿逆旅輒躬自灑掃及明去後人至見之曰此必郭有道昨宿處也

管幼安在遼東隣人有牛暴幼安田幼安牽牛着涼處自與飲食過於牛主牛主得牛大慙若犯嚴刑

魏志曰寧與華歆陳原俱遊學天下亂聞公孫度令行海外與原及王烈至遼東度虛館候之王叔治七歲喪母母以社日以來歲隣里修社會叔治感念父母哀甚初喪隣里為之罷社

魏志曰王修字叔治北海營陵人孔融在北海召修爲主簿後舉孝廉

杜恕著家戒道張子臺視之似鄙朴人然其心中不知天地間何者美好作人如此自可不富貴患禍當何從而來

魏志曰杜恕字務伯明帝擢拜散騎轉黃門侍郎典略曰張闢字子臺東都人官至大僕

皇甫謐有從姑子梁柳爲城陽太守將之官或勸士安餞之士安曰柳爲布衣時過吾吾送迎不出門食不過鹽菜今送之是貴城陽太守而輕梁柳非心所安

世說新語補

卷一

四

玄晏春秋曰七年春予長三尺四寸矣未過書史與從姑子梁柳編荆執荻分陳相刺共以爲樂

裴叔則營新宅甚麗與兄共遊兄心欲之而口不言叔則知其意便推使兄往

郭文舉入吳興餘杭山窮谷中倚木於樹苦覆而居都無壁障餘杭令顧颺贈以韋袴褶一具文舉不納使者置室中而去乃至承爛竟不服用

王隱晉書曰郭文字文舉人餘杭山陰峻未亂之前從臨安山中

謝石奴請吳隱之爲衛將軍王簿隱之將嫁女謝

知其貧潔遣女必當率薄乃令移厨帳助其經營使者至方見一婢牽犬賣之此外蕭然無辦

晉書曰謝石字石奴丞相安之弟假節大都督與兄子玄琰破符堅

范毓家世敦睦客居青州逮毓七世人號其家兒無常父衣無常主

晉中興書曰凡毓字稚者北海廬人

王令明兄鑒頗好聚歛廣營田業令明意甚不同嘗謂鑒曰尊何用田爲鑒曰無田何由得食令明日亦復何須得食

世說新語補

卷一

五

南史曰王惠字令明琅琊人祖劭車騎將軍父默左光祿大夫惠幼而夷簡宋武帝聞其名以問其從兄誕誕曰惠後來秀令鄢宗之美也

王僕射子恢之被召爲秘書郎僕射爲求奉朝請語恢之曰秘書有限故有競朝請無限故無競吾欲使汝處不競之地太祖嘉而許之

宋書曰王敬弘字敬弘琅琊人本名裕避高宗諱故稱字會祖廣晉驃騎將軍祖胡之司州刺史父茂之晉陵太守敬弘少有清尚起家本國左常侍歷官至僕射南史曰恢之敬弘長子位至新安太守中大夫宋書曰太祖文帝諱義隆高祖第三子

朱百年家貧母以冬月以衣並無絮百年自此不

衣綿帛嘗寒時就孔思遠宿衣悉袂布飲酒醉眠思遠以臥具覆之百年初不知既覺引去謂思遠曰綿定奇温因流涕悲慟思遠亦為感泣

南史曰朱百年會稽山陰人祖凱之晉左衛將軍父濟揚州主簿百年少有高情親以攜妻孔氏入會稽南山伐葉採若為業以葉若置道頭輒為行人所取明旦已復如此人稍怪之稍久知是朱隱士所賣須者隨其多少留錢而去頗言玄理為詩有高勝之言與同縣孔顗友善俱嗜酒輒酣對盡飲

劉侯之隱居荊州適歲儉衡陽王餉錢十萬凝之大喜持錢至市門見有饑色者悉分與之俄頃都

世說新語補 卷一

六

宋書曰衡陽王義季幼而夷簡無鄰近之累特為太祖所受鄭道元水經註曰劉凝之字志安慕老萊嚴子陵之為人立屋江洲非力不食元嘉中夫妻隱於衡山

齊高帝鎮東府時虞玩之為少府躡屐造席高帝取屐視之訛黑斜銳葵斷以芒接之因問卿此屐已幾載玩之曰初釋褐時買之著已三十年高帝咨嗟因為贈屐玩之不受問其故答曰公之賜恩華俱重但遺替敝履復不可遭帝稱善久之

齊書曰高帝姓蕭氏諱道成在位四年南史曰虞玩之字茂將會稽餘姚人少聞刀筆流涉

書史好臧否人物元徽中為尚書右丞

謝玄暉好獎人才會稽孔闇寵有文筆未為時人所知孔稚圭嘗令草讓表以示玄暉玄暉嗟歎良久自折簡寫之語稚圭曰是子聲名未立應共獎成無惜齒牙餘論

蕭子顯齊書曰謝曉字玄暉陳郡人少有美名文章清麗解褐豫章王行參軍稍遷尚書吏部郎江祐等謀立始安王遙光曉不青收下獄死德璋別見

陸慧曉為晉熙王長史僚佐造見必起送之或語云長史貴重不宜妄自謙屈陸曰我性惡人無禮

世說新語補 卷一

七

不容不以禮處人又未嘗卿士大夫或問其故陸曰貴人不可卿而賤者乃可卿人生何容立輕重於懷抱

南史曰晉熙王錄太祖第十八子南齊書曰陸慧曉字叔明吳郡吳人高祖玩晉太尉祖萬載侍中父子貞元嘉中為陵太守慧曉清介正立不雜交游張思曼嘗曰此江東裴樂也裴始安在郡還甚貧罄世祖曰裴昭明罷郡歸遂無宅我不諳書不知古人中誰比

南史曰齊武帝諱頴字宣遠高帝長子南齊書曰裴昭明河東聞喜人父昭南中郎參軍昭明少傳儒史之業永明中使虜世祖曰卿有將命之才當以一郡相賞還為始安內史

昭明太子與諸賢汎舟玄圃池有盛稱此中宜奏
女樂太子初無言但詠左太冲招隱詩曰何必絲
與竹山水有清音

姚思廉梁書曰昭明太子蕭統字德施高祖長
子也孝謹天至精於義學年三十而薨左思

見別

張思光給假東出世祖問卿住在何處答曰臣陸
處無屋舟居非水後日上以問其從兄思曼思曼
曰融近東出未有居止權牽小船於岸上住

蕭子顯齊書曰張融字思光吳郡吳人父暢會
稽太守融弱冠有名南史曰張緒字思曼父

世說新語補卷一

八

南史太子中舍人緒少知名清簡寡欲從伯敷
及叔父鏡從叔暢並貴異之孝武用爲尚書舍
部郎都令吏

庾子與父卒官巴西奉喪歸至巴東淫預石瞿塘
大灘秋水猶壯子與撫心長叫其夜水忽減退安
流而下既渡水壯如舊時人爲之語曰淫預如襪
本不通瞿塘水退爲庾公

南史曰子與字孝卿南陽新野人父域有孝行
母好鵲喉域改改營求一日雙鵲來下子與幼
而岐嶷南史曰庾域爲巴西梓潼二郡太守
古樂府說源歌曰鵲源人如襪瞿塘不可觸
傳茂遠泊然靜處不妄交遊袁司徒每經其戶輒

歎曰縹其戶寂若無人披其帷其人斯在豈得非
名賢

南史曰傅昭字茂遠北地靈州人晉司隸校尉
咸七世孫昭官常以清靜居朝廷無所請調普
過五年爲散騎常侍宋書曰袁粲字景倩陳
郡陽夏人父曜早卒祖母袁其幼孤名之曰愍
孫好學有才清整持風操嘗慕荀奉倩改名爲
榮齊王功德既重天命有歸榮以身受顧託不
欲事二姓由是遇害

顧常侍清介持操爲廷尉正時冬服單薄寺卿蔡
子度謂人曰我欲解身上綈與顧郎恐顧郎難衣
食者竟不敢遺之

世說新語補卷一

九

南史曰顧瞻字正禮吳郡吳人晉司空和六世
孫少有志操內弟張率薦於武帝帝問瞻年
言三十五帝曰北方高涼四十強仕南方卑溫
三十便衰如協便爲已老但其事親孝與友信
亦不可遺於草澤於是協爲太常博士終散
騎常侍舍人宋書曰蔡廓字子慶濟陽考城
人會祖謨晉司徒祖系撫軍長史父繼司徒左
西屬廓博涉羣書言行以禮起家著作佐郎歷
官參軍太尉從事中郎

李德林父校書以時正嚴冬單衰徒跣自駕靈輿
反葬博陵豪族崔謀者休假還鄉將赴弔德林從
者數十騎稍稍減留比至德林門纔餘五騎云不
得令李生怪人熏灼

隋書曰李德林字公輔博陵安平人父勣族太學博士德林幼聰敏該博文典陰陽緯候無不通涉善屬文詞義而理暢隋文

帝時為相府屬加儀同大將軍

李師古跋扈憚杜黃裳為相未敢失禮命一幹吏

寄錢數千緡并羶車子一乘使者未敢遽送於宅

門伺候累日有綠輿出從婢二人青衣繼後言是

相公夫人使者遽歸以告師古師古折其謀終身

不敢改節

唐書曰師古淄青節度使李納之子劉昫唐書曰杜黃裳字遵素京兆杜陵人貞元二年為

檢校司空兼河中尹封鄆國公

世說新語補卷一十

陽城歲饑屏跡不過隣里屑榆為粥講論不輟有

奴都兒化其德亦方介自約或哀其餒與之食不

納後致糠覈數杯乃受

宋祁直行傳曰陽城字亢宗定州北平人好學貧不能得書求為吏隸集賢院竊院書讀之晝

夜不出戶六年無所不通去隱中條山與弟堽域常易衣出後為諫議大夫以沮裴延齡相出

為道州刺史

楊憑得罪姻友無敢送者獨徐晦送至藍田權載

之謂徐君誠厚楊臨賀無乃為累乎徐曰晦自布衣時楊知我厚方茲流播寧忍無言而別有如公

為姦佞譖斥敢自同路人乎載之歎其長厚

唐書曰楊憑字虛受弘農人官湖南江西觀察使性簡傲不能接下人多怨之及歷二鎮尤事

奢侈為李夷簡所劾責授臨賀尉唐書曰徐晦為楊憑所薦及憑得罪交親無敢祖送獨晦

送至藍田不數日御史中丞李夷簡請為監察

晦白夷簡曰生平不踐公門公何取而見將提

夷簡曰聞君送楊臨賀不顧犯難肯負國乎由是知名唐書曰權德輿字載之天水略陽人

四歲能屬詩七歲居父喪以孝聞後以禮部尚書平章事

羅可性度寬宏嘗有竊刈其園蔬者適遇見却避

草間以俟其去又有攘殺其雞者可攜壺就之曰

與子同里間不能烹雞以待子我誠自愧呼其妻

世說新語補卷一十

拏環坐盡醉而歸人由是相誠無犯

墨客揮犀曰羅可沙陽之碩儒也嘗應鄉薦見黜於禮部遂不復進取以疎放自適

蘇長公卜居陽美以五百緡買一宅將入居偶夜

行聞老婦人哭極哀公問姬何為哀傷如是姬言

舊居相傳百年一旦訣別所以泣也問其居所在

正五百緡買者即取屋焚之索其值遂還毘

陵不復買地

東都事略曰蘇軾字子瞻眉州眉山人生十歲而父洵宦學四方母程氏授以書比冠學通經史屬文日數千言中進士乙科英宗朝直史館

熙寧中謫黃州團練使哲宗召為翰林學士紹聖

初御史論賦議斥先
朝落職惠州安置

言語

曹公既殺楊德祖後與太尉遇於朝堂曹問太尉
公何瘦之甚太尉答曰愧無日碑先見之明猶懷
老牛舐犢之愛曹公爲之改容

張騰文士傳曰楊修字德祖父彪漢太尉修辟
丞相府主簿少有才策爲曹操所忌以罪見殺
班固前漢書曰金日磾子二人武帝所愛以爲
夫見其後美兒壯大不謹自殿下與宮人戲
磾適見之惡其
淫亂遂殺美兒

許汜與劉玄德並在劉荊州坐共論人物許曰陳

世說新語補

卷一

十一

元龍淮海之士豪氣不除玄德問許君言豪寧有
事耶許曰昔遭亂過下邳見元龍無客主之意不
相與語自上大牀臥使客臥下牀玄德曰君有國
士之名今四海橫流帝王失所而無救世之意求
田問舍言無可採是元龍所諱也何緣當與君語
如我自臥百尺樓上臥君於地下何但上下牀之
間哉

襄陽耆舊傳曰許汜是楊慮同里人少師慮爲
魏武從事中郎續漢書曰劉備字玄德承郡
人漢景帝子中山靖王勝之後英雄記曰劉
表字景升山陽高平人尊恭王之後領荊州牧

身長八尺姿貌溫偉與張儉等號爲八顧
承後漢書曰陳登字元龍下邳人學通古
今處身循禮非法不行性兼文武有雄姿異略領廣陵太守

李令伯常聘吳吳主與羣臣汎論道義因言寧爲
人弟令伯曰願爲人兄吳主問何願爲兄令伯答
曰爲兄供養之日長吳主及羣臣稱善

華陽國志曰李密字令伯犍爲武陽人祖光朱
提太守父早亡母何氏更適人密養於祖母治
春秋左氏傳博覽多所通涉機警辯捷事祖
母以孝聞本郡禮命不應州辟從事尚書郎

王渾平吳之日登建業宮醺酒既酣謂吳人曰諸
君公國之餘得無戚乎時周子隱答曰漢末分崩

世說新語補

卷一

十一

三國鼎立魏滅於前吳亡於後公國之戚豈唯一
人王大有慙色

晉書曰渾沉雅有器量以平吳功封一子江陵
侯位至司徒虞預晉書曰周處字子隱吳郡
陽美人父助吳將軍處入晉爲御史中丞多
所彈糾不避疆禦齊萬年反以建威將軍西征
臨陣慷慨奮不顧命遂死於戰

溫太真問郭文舉餓則思食壯則思室自然之性
先生安獨無情乎文舉答曰思由憶生不憶故無

情

抱朴子曰郭文舉入陸渾山
學道獨能無情意不生也

王安期去官東渡江道路梗澁人懷危懼王每遇
艱險處之夷然雖家人不見其憂喜之色既至下
邳登山北望歎曰人言愁我始欲愁謝太傅曰當
爾時覺形神俱往

許玄度將弟出都婚諸人無不欽遲既至見其弟
乃甚癡都欲嘲棄之玄度爲作賓主相對劉真長
笑曰玄度爲弟婚施十重鐵步障

桓南郡問謝夫人太傅在東山二十餘年遂復不
終其理云何夫人答曰叔先正以無用爲心隱
世說新語補卷一
顯爲優劣始末正當動靜之異耳

桓靈寶征殷仲堪道出廬山因詣遠公語次及征
討之意遠不答又問何以見願遠曰願檀越安穩
使彼亦復無他桓出山語左右曰實乃生所未見

靈寶玄
小名也

殷仲文勸宋武帝畜伎帝曰我不解聲仲文曰但
畜自解帝曰畏解故不畜

宋書曰帝姓劉氏諱祓受晉禪清簡寡慾未嘗
視珠玉輿馬之飾後庭無統綺絲竹之音在位

王韶之少家貧而好學嘗三日絕糧執卷不輟家
人謂之曰困窮若此何不耕王徐答曰我常自耕
耳

沈約宋書曰王韶之字休泰瑯琊臨沂人曾祖
虞晉驃騎將軍祖奏之鎮軍掾父偉之郎中令
韶之家貧好史籍博涉多聞
初爲衛將軍謝琰行參軍

戴仲若春日攜雙柑斗酒人問何之答曰往聽黃
鸝聲此俗耳針砭詩腸鼓吹

宋書曰戴顒字仲若
譙郡鉅人戴達子也

宋世祖嘗賜謝中書寶劍謝以與魯豫州遂別後
世說新語補卷一

魯作逆世祖嘗因宴集問劍所在謝曰昔與魯爽
別竊爲陛下杜郵之賜世祖大悅

宋書曰帝名駿文帝第三子宋書曰謝莊字
希逸陳郡陽夏人太常弘微子也七歲能屬文

仕至光祿大夫卒謚憲子南史曰莊詔令美風
儀宋文帝見而異之曰藍田生玉豈虛也哉

宋書曰魯爽小名女生扶風郡人祖宗之父忱
爽少有武藝世祖以爲左軍將軍都督豫州諸

軍事與南郡王義宣作逆薛安都臨陣刺爽傳
首京師史記曰秦攻趙邯鄲武安君不肯行

於是免武安君爲士伍遷之陰
密至杜郵使使者賜之劍自殺

謝孺子特善聲律與王車騎張宴桐臺孺子吹笙

王自起舞既而歎曰眞使人飄飄有伊洛間意